



Ignazi Peder, Cavorgia
naschius 3 da schaner 1930
morts 6 da fenadur 2004

*Cu mort siu stgir derasa
e rump'a nus ils egl's
Dieus pren ils ses a - casa,
leusi en clara glisch*
(text d'ina canzun da Wendelin Caminada)

Aschia ei la mort vegnida il mardis sera a Cavorgia e derasau il stgir - per sclarir la glisch. Entuorn las 5 dalla sera ha gl'aunghel dalla mort clamau il Nazi Peder a casa tier el.

Il Nazi ei naschius ils 3 da schaner 1930 ella biala ucliva da Cavorgia sco fegl da Leci e Genoveva. La mumma fuva ina Venzin vegnend neu da Medel. Il defunct ei carschius si en ina sempla famiglia purila, ensemens cun treis soras e treis frars. Tut ils onns da scola ha il defunct frequentau en l'ucliva da Cavorgia che haveva da lezs onns ina scola plein buobanaglia. Da lezs onns habitavan bia famiglias cun roschas affons en l'ucliva. Il Nazi ei adina staus fideivels a sia patria. Tut ils onns da sia veta ha el passentau a Cavorgia cun far il pur, la stad ira ad alp, far nurser e starler, insumma guder la natira da bial' aura e schliat'aura. Il dacasa hal partiu cun ses 2 frars, il Luis ed il Martin.

Avon 10 onns eisi vegniu pli ruasseivel en la casa dils Peders. Els han allura calau cul puresser e gudiu la pensiun. Martin ei serendius a Sedrun. Il Nazi ed il Luis ein denton restai fideivels el liug nativ pertgei la populaziun da Cavorgia vegneva pli e pli pintga. Mo sias ragischs e regurdientschas schevan buca tier als frars da bandunar lur da-casa.

Avon zacons onns haveva sia niazza, la Beatrice priu dimora en casia. Ella fageva cuort'uriala e haveva dau in tec veta giuvna tiels frars Peder. Mo il destin ha buca vuliu quell'uisa?? La tresta nova dalla disgrazia ei stau ina detga frida per il Nazi, la mort da sia niazza ha schau anavos ad el ina plaga. Il Nazi haveva breigias da capir mo ei stueva ira, el piteva la dolur e haveva grev.

Ussa car Nazi ei Tiu viadi sin quest mund ius a fin, la mort ha rut ils eglis, Dieus prendi Tei a casa. Gauda il ruaus perpeten

Engraziament

- Cordial engraziament als buns vischins da Cavorgia, en special a Margreta e Bernard Jägle-Hendry.
- Engrziel a tut quels ch'ein sentupai cun miu frar Nazi, fatg dil bien en sia veta ed accumpignau el a siu davos viadi.
- Dieus paghi a tuts ch'ein segidai.

Il frar Luis Peder